

# **DAGSORDEN SAA- Sanarfinermut Avatangiisinullu Ataatsimiititaq d. 02-06-2022**

**Mødedato** Torsdag d. 02. juni 2022 kl. 18:00

**Mødested** Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Kommuneqarfik Sermersuup illuutaanut tunngatillugu 2022-mi aserfallatsaaliuinnermut aningaasalii	6
Kommunimut pilersaarummut tapiliussaq 3A8-4 Iiminaq, Nuuk.....	9
Illumi ulloq unnuarlu angerlarsimaffiup inatsisitigut akuerisanngortinneqarnissaanik qinnuteqaat, E	11
Kommuneqarfik Sermersuup aamma Donnas Dyreklinik-ip akornanni isumaqatigiissutip nutarterne	14
Sermilimmi ilisimatusarfik.....	17
Kommunimut pilersaarummut tapiliussap 1C30-4 Tuujuk, Nuuk inaarutaasumik akuersissutigineqa	21
Lukket.....	24
Taasariaqartut allat.....	25
Imaqarniliap akuerineqarnera.....	26

## **Punkt .: Saqqaa**

### **Ilaasortat:**

Finn Karlsen (N), *siulittaasog*  
Uju Petersen (IA)  
Lone Rosengreen Pedersen (IA)  
Naya-Sophia Lyberth (IA)  
Justus Hansen (D)  
Peter Davidsen (S)  
Dines Mikaelen (S)

### **Beslutning**

#### **Ataatsimeeqataasut:**

Finn Karlsen (N), *siulittaasog*  
Uju Petersen (IA)  
Lone Rosengreen Pedersen (IA)  
Naya-Sophia Lyberth (IA)  
Justus Hansen (D)  
Peter Davidsen (S)

#### **Ataatsimeeqataasinnaanatik nalunaartut:**

Dines Mikaelen (S)

Laura Táunâjik Uitsatikitseq (S) -imut sinniisuuvoq Dines Mikaelen (S)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

# **Punkt .: Nalunaarutit**

## **Beslutning**

### **Aqqusernit aserfallatsaaliorneri:**

- Nuummi asfalterisuineq maajimili aallartinneqarpoq. Sap. ak. 22-llu tungaanut kiisalu 25-26-mi ingerlanneqassalluni, sap. ak. 34-llu kingorna nangeqqinneqassaaq. Asfaltiorfik Munckikkunnit sap. ak. 23-24-mi atorneqassaaq (piffissami 1. juuni – 15. juuni), kiisalu sap. ak. 29- 34, mittarfiup kujataata tungaa asfalterisorneqassammat atorneqalissammallu.
- Inoqarfinni tamani aasaanerani ingerlatsinermi suliaasat pilersaarusiorneri aallartisarnissaallu aallarereerput.

### **Ingerlatsiviup nalinginnaasumik suliai sulisullu:**

- Ingerlatsivik 2022-mi ilassutitut aningaasaliissutinik nuussinissanillu kiisalu 2023-mut Missingersuutitut allaffeqarfimmit missingiussamik suliaqartarpoq.

# **Punkt 1: Kommuneqarfik Sermersuup illuutaanut tunngatillugu 2022-mi aserfallatsaaliuinnermut aningaasaliissutinik agguataarineq**

## **Beslutning**

Ilisimatitsissut tusaatissatut tiguneqarpoq.

## **Bilag**

Kommuneqarfik Sermersuup illuutaanut aserfallatsaaliuinnermut pilersaarut

## Kommuneqarfik Sermersuup illuutaanut tunngatillugu 2022-mi aserfallatsaaliuinnermut aningaasaliissutinik agguataarineq

Ilisimatitsissut

SagsID.: EMN-2022-01302

Sanarfinermut Avatangiisinullu Ingerlatsivik – pisortaq Hans Ulrik Skifte/ HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Sanarfinermut Avatangiisinullu Ingerlatsiviup ukioq missingersuusiorfimmud 2022-mut aserfallatsaaliuinissamat pilersaarut suliaraa (ilanngussaq 1). Ingerlatsivik ukiup tullianut 2023-mut matumunnga nutaamik agguataareriaatsimik saqqummiussissaaq, tassanilu aningaasaliissutit ukiunik sisamanik siumut agguataagaassallutik, taamaalilluni suliassanik pilersaarusiak ukiunut arlalinnut atuuttussatut saqqummiunneqartassapput.

Ukioq missingersuusiorfik matumani Kommuneqarfik Sermersuup illuutaanut sanaartugassanut missingersuutini sanaartornermut kontumut, A00-160105-001, 43.000 t.koruunit aningaasaliissutit akuersissutigineqarsimapput. Tamanna pillugu pilersaarusiorkermit illut tulliuuttut aserfallatsaaliorneqarnissaat ilanngunneqanngillat, tassa matumani sanaartugassanut kontumi aserfallatsaaliuinissamat suliassat agguataarneqarnissaannut tunngatillugu:

- Tamanut inissiat, taakku Iserit A/S-ip atuuffianiimmata.
- Illut Siorarsiorfik - Nuuk City Development A/S-ip ataanniittut.
- Nuummi Katuap illutaa (B-3000), taanna Kommuneqarfik Sermersuumit Namminersorlutik Oqartussanillu 50/50-imik pigineqarmat illu nammineq sanaartugassanut missingersuutini sanaartugassanut kontoqarpoq (A60-080204-003).
- Illut Kommuneqarfik Sermersuup attartugai, kiisalu illut Kommuneqarfik Sermersuup attartortittagaanut attartortullu, attartornermut isumaqatigiissut malillugu, aserfallatsaaliuinnermik akisussaasuugaangat.

Aningaasaliissutinit 10.000 t.koruunit tassangaannartumik aserfallatsaaliuinissamat (suliarigasuagassanik aserfallatsaaliinerit) siumut agguataareerneqartarput, tassa siumut pilersaarusiorneqarsinnaanngitsunut iluarsaatassanut tunngatillugu. Tamatumunnga assersuutigalugu illuutitut aserorterisoqarsimatillugu iluarsaassinernut.

Aserfallatsaaliuinnermut pilersaarummi 3.290 t.koruunit sillimmatitut ilanngunneqarput, aserfallatsaaliuinnermut suliassat ilaat naatsorsuutaasimanngitsumik ilassutitut suliareneqartariaqartarmata sanaartukkat ammarneqartillugit. Sanaartugassanut kontumit A00-160105-001 aserfallatsaaliuinnermut suliassat aallartitsinnagit sumiiffinni sukumiisumik misissuisoqaqqaartarpoq, kingunerisaanillu aserfallatsaaliuinnermut pilersaarut iluarsineqartariaqarsinnaasassaaq (Ilanngussaq 1).

Allaffeqarfimmit - matumani Sanarfinermut Avatangiisinullu Ingerlatsivik sinniisuulluni - aserfallatsaaliuinnermut suliassat ilaatigut kinguartinneqassanersut aalajangiiffigineqartarpoq taamalu ilaatigut ukiuni missingersuusiorfinni suliassat siuartinneqarnissaat, taamaalilluni sanaartornermi teknikkeqarnikkut naliliineq tunngavigalugu aningaasaliissutit pitsaanerpaamik

iluaqutaaniassammata. Tamanna piginnaatitsinermik agguataarinissamut pilersaarummut atuuttumut naapertuuppoq, tassa aalajangiisinnaatitaaneq allaffeqarfimmiittutut nalunaarsugaammat.

### **Ingerlatsivimmit aningaasatigut sulisoqarnikkullu naliliinerit**

Oqaaseqaateqartoqanngilaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit oqaaseqartitsiniartoqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Sanaartugassanut missingersuutit 2022-mit 2030-mut akuerisat
- Piginnaatitsinermik agguataarinissamut pilersaarut

Piginnaatitsinermik agguataarinissamut pilersaarummi qupperneq 6-imi allassimavoq allaffeqarfik *aalajangiisinnaatitaasoq (B)* matumunnga tunngatillugu *"lluarsartuussinermut aserfallatsaaliuinissamullu suliniutit (missingersuutitut tunngatillugu sanaartugassanut aningaasaliissutit)"*.

### **Ilanngussat**

1. Kommuneqarfik Sermersuup illuutaanut aserfallatsaaliuinerit pilersaarut

## **Punkt 2: Kommunimut pilersaarummut tapiliusseq 3A8-4 Iiminaq, Nuuk**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommunimut pilersaarummut tapiliusseq 3A8-4 nutartigaq

## **Kommunimut pilersaarummut tapiliusseq 3A8-4 liminaq, Nuuk**

Tusarniaaqqinneq

Ilisimatitsissut

SagsID.: ANL-2020-00020

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliasamik saqqummiussineq**

Matumuuna Sanarfinermut Avatangiisinullu Ingerlatsivimmit Kommunimut pilersaarummut tapiliusseq 3A4-8 sapaatip-akunnerini arfinilinni tamanut tusarniaassutigineqaqqinnissaa pillugu ilisimatitsissutigineqarpoq. Tamanna kommunalbestyrelsip ataatsimiinnerani ulloq 22. februaari 2022-meersoq malillugu pissaaq. Tassani amerlanerussuteqartunit aalajangiunneqarpoq kommunimut pilersaarummut tapiliusseq, inissianut sanaartorfiit arfinillit minillugit, akuersissutigineqassasoq.

Ingerlatsivimmit allannguutit annertuutut nalilernerqarpoq, taamaattumillu pilersaarusiornermut inatsimmi (Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq) §24 imm. 2 malillugu pilersaarut sapaatip-akunnerini arfinilinni tamanut saqqummiuteqqinneqarnissaanut tunngasoq malillugu pisussaataavoq.

Tamanut tusarniaassutigineqareerpat tusarniaanermut akissutaasinnaasut suliarineqassapput inaaruutaasumillu aalajangiunneqarnissaanut politikikkut oqaluuserisassatut saqqummiunneqassapput.

### **Ingerlatsivimmit aningaasatigut sulisoqarnikkullu naliliinerit**

Pilersaarummut tapiliussap suliarineqarnera ingerlatsivimmi sulisumut ataatsimut ukiumut suliarinnaasat 1/3-ianik naleqarnissaa nalilernerqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- o Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- o Inatsisartut inatsisissaat nr. 34, 9. december 2015-meersoq
- o Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Kommunimut pilersaarummut tapiliusseq 3A8-4 nutartigaq

# **Punkt 3: Illumi ulloq unnuarlu angerlarsimaffiup inatsisitigut akuerisannngortinneqarnissaanik qinnuteqaat, Eqalugalinnnguit 76B, 3900 Nuuk**

## **Beslutning**

Inassuteqaat akuersissutigineqarpoq.

## **Bilag**

Qinnuteqaat

Eqqaamiunik tusarniaanerit

Illoqarfiup assinga ulloq unnuarlu angerlarsimaffiit sumiiffiinik nalunaaqutsersugaq

## **Illumi ulloq unnuarlu angerlarsimaffiup inatsisitigut akuerisannngortinneqarnissaanik qinnuteqaat, Eqalugalinnguit 76B, 3900 Nuuk**

Aalajangiiffigisassaq

SagsID.: BOG-2020-21515-024

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- ulloq unnuarlu angerlarsimaffiup atorneqarnerata allannngortinneqarnissaanik qinnuteqaat akuersissutigineqassasoq

### **Suliassamik saqqummiussineq**

Sanarfinermut Avatangiisinullu Ingerlatsivik ilaqutariit ataatsit illuanit Eqalugalinnguit 76B-mi Nuummiittuni nunaminertamik atugassiissutip allannngortinnissaanut ulloq unnuarlu angerlarsimaffittut atoneqarnissaanut qinnuteqaammik tigusaqarpoq. Illu Eqalugalinnguani Inissiaqarfimmi kommunimut pilersaarummut tapiliussaq 3A2-mi pineqartumi inissisimavoq. Immikkoortup atuuffissaa inissiaqarfissanngorlugu aalajangersaaffigineqassaaq siammasissunik pukkitsunik inissialiorfigalugu ilaqutariit ataatsit illuinik imaluunniit illunik affarleriinnik, inissianik eqimasunik pukkitsunik soorlu uiguleriaaanic assigisaannilluunniit.

Illu inissiaqarfimmi inissisimavoq, taamaalillunilu atorneqarnissaata allannngortinneqarnissaa immikkut ittumik akuersissutigisariaqarluni.

Suliamik suliarinninnermut atatillugu suliamik saqqummiussinissaq sioqqullugu ingerlatsivik imaattunik suliaqarsimavoq:

- Ingerlatsiviup inissisimaffia misissorsimavaa, tamaanilu pissutsit assingusut misissorsimallugit
- Ingerlatsiviup qinnuteqaatip Eqalugalinnguani eqqaamiorisanut tusarniaassutigaa.

### Qinnuteqaat

Qinnuteqaammi atuarneqarsinnaavoq, ulloq unnuarlu angerlarsimaffik pingasut tikillugit inuusuttunit angerlarsimaffigineqassasoq. Sulisut arfineq-marluussapput, sulisut pingasut ulluklut sulisassallutik, marluk unnuklut marlullu unnuaklut. Najugaqartut timersornermik assingusunillu sammisaqartassapput.

### Suliamut tunngasumik naliliineq

Ingerlatsivimmi Nuummi sumi ulloq unnuarlu angerlarsimaffeqarnerasoq misissorpaa, paasillugulu kommunimut pilersaarummut tapiliussami tassani allamik peqartoq tassa Eqalugalinnguit 113-imi. Illu meeqqanik inuusuttunillu pingasuniit 15-it tikillugit ukiulinnik sumiginnagaasimasunik amerlanerpaamik sisamanik najugaqartitsisinnaavoq, tassanilu sulisut ulluklut unnukkullu marluusarput, unnuaklut ataaseq.

Ingerlatsiviup nalilerpaa, sumiiffimmi allamik ulloq unnuarlu angerlarsimaffeqarsinnaasoq, tamaani inissisimasunut sunniuteqarnerluutaanngitsumik imaluunniit kommunimut pilersaarummut tapiliussami atuinissamut aalajangersakkat malillugit sumiiffiup inissiaqarfiuneranik allannguutaanngikkaluartumik.

Angallannermut tunngasut eqqarsaatigalugit, sumiiffimmi annertunerusumik allannguisoqaqqinnaviannngitsaq kommunip nalilerpaa. Tamanna ulloq unnuarlu angerlarsimaffimmi

sulisut qassiunissaanik, qanorlu innikkut suliffigineqartarnissaanut tunngaveqarpoq. Taava aamma biilit uninngasarfiisa ilaneqarnissaat piumasarineqassanngilaq.

Suliamik saqqumiussissut una sioqqullugu, qinnuteqaat pilersarusiornermut tunngasut kisiisa tunngavigalugit nalilersorneqarpoq. Suliaq sanaartornermut inatsit naapertorlugu sulii nalilersorneqaranilu suliarineqanngilaq.

#### Eqqaamiorisanik tusarniaaneq

Pilersarusiornermut inatsit naapertorlugu kommune immikkut ittumik akuersissuteqarsinnaavoq, kommunimut pilersaarummut tapiliussami tunngavinnut akornutaanngippata. Taamaattorli eqqaamiorisanut tusarniaasoqassaaq, eqqaamiorisanut suliamut attuumassuteqartutut kommunip isumaqarfisaaannut, taamaalillunilu suliamut tunngatillugu sukumiisumik, pingaarutilimmik, toqqaannartumik ataasiakkaatullu soqutigisalimmut.

Eqqaamiorisamut tusarniaaneq 09.02.2022-miit – 04.03.2022-p tungaanut pivoq, qinnuteqaatigineqartumullu akileriliissuteqartoqanngilaq.

#### **Ingerlatsivimmit aningaasatigut sulisoqarnikkullu naliliinerit**

Qinnuteqaatit kommunimut aningaasatigut kinguneqassanngillat.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaatitalit**

- Pilersarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq
- Kommunimut pilersaarummut tapiliussaq 3A2 - Eqalugalinnguani inissiaqarfik
- Kommunimut pilersaarut 2032

#### **Ilanngussat**

1. Qinnuteqaat
2. Eqqaamiunik tusarniaanerit
3. Illoqarfiup assinga ulloq unnuarlu angerlarsimaffiit sumiiffiinik nalunaaqutsersugaq

## **Punkt 4: Kommuneqarfik Sermersuup aamma Donnas Dyreklinik-ip akornanni isumaqatigiissutip nutarternera**

### **Beslutning**

Suliaq ataatsimiititap ileqqusumik ataatsimiinnissaata tullianut kinguartinneqarpoq. Ataatsimiititap kommunip Donnas Dyreklinikkillu akornanni isumaqatigiissummut siunnersuusiortoqarnissaa kissaatigaa. Ataatsimiititap aammattaaq uumasuutitut iliveqarfimmut akigititanut tunngatillugu ersarissaasoqarnissaa kissaatigaa.

### **Bilag**

Ingerlatsineq pillugu isumaqatigiissut 2016-imeersoq

Kommuneqarfik Sermersuup aamma Donnas Dyreklinik-ip akornanni isumaqatigiissutip iluarsissutaa (isumaqatigiissutissatut siunnersuut)

Qimminut inspektørip suliassai pillugit allaaserinnineq



## Kommuneqarfik Sermersuup aamma Donnas Dyreklinik-ip akornanni isumaqatigiissutip nutarternera

Aalajangiiffigisassaq

SagsID.: EMN-2022-02020

Sanarfinermut Avatangiisinullu Ingerlatsivik – pisortaqaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- isumaqatigiissut nutarterneqassasoq, "Qimminut inspektørip suliassaasa nassuiarneqarnera"-ni ilassutigineqartut ilanngullugit
- isumaqatigiissut nutarterneqassasoq qimminut aneerussisarfik uumasuutinullu iliveqafik ilanngullugit
- akissarsiat qaffaavigineqassasut 2022-mi ingerlatsinermut ilanngullugit

### Suliassamik saqqummiussineq

Kommuneqarfik Sermersuup aamma Nuummi Uumasut suleqatigiinnerata, 2014-imi pilersineqartup, kingunerivaa kommunimi uumasutit isumagineqarnissaannut uumasunut nakorsiartarfeqalernera. Uumasunut nakorsiartarfik namminersorluni attartornikkut pilersineqarpoq, 2014-imilu isumaqatigiissut tassaavoq ingerlatsinermut tapiissuteqarneq, ukiuni ukunani ineqarnermut akiliummut matussutissatut:

2014: 120.600 kr./ukiumut

2015: 147.500 kr./ukiumut

2016: 147.500 kr./ukiumut

Isumaqatigiissut 2016-imi isumaqatigiinniutigeqqinneqarpoq, tassani qimminut inspektøritut atuuffik, kommunimit isumagineqarsimagaluartoq, isumaqatigiissummut ilanngunneqarpoq. Tamanna isumaqatigiissutip tunngavilerneqarneranik kinguneqarpoq, ukiumut akissarsianut akiliummik 408.000 kr.-nik.

Isumaqatigiissut ukiuni pingasuni atuuttussanngortinneqarpoq, isumaqatigiissutigineqartorli taamanerit isumaqatigiinniutigeqqinneqaranilu naleqqussarneqanngilaq. Ukiuni taakkunani ineqarnermut akiliut qaffassimavoq.

Qimminut inspektørimut saniatigut suliassat arlallit takkussorsimapput, taakkulu 2016-imi isumaqatigiissummi ilaatinneqanngillat. Saniatigut suliassat takkussimapput inatsimmik allannguinerit atatillugu. 2016-imi akiuussutissaliineq pillugu inatsimmik taaneqartoq Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata nr. 24, u. 28. november 2016-imeersup allanngortinneqarneranik Inatsisartut inatsisaat. (Inatsisitigut piunasaqaataasumik akiuussutissaliineq, nalunaaqutsersuineq nalunaarsuinerlu pillugit allannguutit), kiisalu Uumasunik illersuineq pillugu Inatsisartut inatsisaata allanngortinneqarnera pillugu Inatsisartut inatsisaat nr. 17, 12. juni 2019-imeersoq (Naalakkersuisunut oqartussaasutut pisinnaatitaanermik nuussineq aamma uumasunik kinguaassiuutitigut atoqateqarnermut inerteqqut)) kingunerisimavaa qimminut inspektørip annertuumik saniatigut suliassaqaalersimanera.

Ingerlatsiviup ingerlatsinermut isumaqatigiissutip nutarterneqarnissaa innersuussutigivaa, tassani saniatigut suliassat ilanngunneqassapput kiisalu tulliuuttut ilanngunneqassasut:

1. 5 Qinngutsinni qimminut aneerussiarfiup isumagineqarnissaa
2. Uumasuutitut iliveqarfiup, taanna pilersineqareerpat, isumagineqarnissaa.



Kommunalbestyrelse ulloq 31. agusti 2021-mi ataatsimiinnermini oqaluuserisassani imm. 22 (SagsID.: EMN-2021-12892 - Nuummi uumasuutitut iliveqarfik) ingerlatsivimmit inassutigineqartumut akuersivoq, tassa uumasuutitut iliveqarfik peqatigiiffimmit ingerlanneqarlunilu isumagineqassasoq.

### **Ingerlatsivimmit aningaasatigut sulisoqarnikkullu naliliinerit**

Inassutigineqartoq Sanarfinermut Avatangiisinullu Ataatsimiititamit malinneqassappat, massakkut ingerlatsinermut isumaqatigiissut ukiumut 408.000 kr.-niit 520.000 kr.-nut qaffanneqassaaq. Tamanna ukiumut 112.000 kr.-nik qaffariaateqarpoq.

Aningaasartuuteqarnerulerneq Ingerlatsivimmit massakkut missingersuutigineqartut iluanni akilerneqarsinnaasoq naatsorsuutigineqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Qimmit qitsuillu pillugit ileqqoreqqusaq
- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata nr. 24, u. 28. november 2016-imeersup allanngortinneqarneranik Inatsisartut inatsisaat
- Uumasunik illersuineq pillugu Inatsisartut inatsisaata allanngortinneqarnera pillugu Inatsisartut inatsisaat nr. 17, 12. juni 2019-imeersoq

### **Ilanngussat**

1. Ingerlatsineq pillugu isumaqatigiissut 2016-imeersoq
2. Kommuneqarfik Sermersuup aamma Donnas Dyreklinik-ip akornanni isumaqatigiissutip iluarsissutaa (isumaqatigiissutissatut siunnersuut)
3. Qimminut inspektøríp suliassai pillugit allaaserinnineq

## **Punkt 5: Sermilimmi ilisimatusarfik**

### **Beslutning**

Inassuteqaat akuersissutigineqarpoq.

### **Bilag**

Qinnuteqaammi atortut



## Sermilimmi ilisimatusarfik

Immikkut akuersissutitalerlugu nunaannarmi nunaminertamik atugassiissut

Aalajangiiffigisassaq

SagsID.: BOG-2022-00202-001

Sanarfinermut Avatangiisinullu Ingerlatsivik – pisortaq Hans Ulrik Skifte/ HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Nunaminertanut tunngasunik oqartussaaffeqarfiup nunaannarmi 60 m<sup>2</sup>-init anginerusumik sanaartortoqarnissaanik immikkut akuersissuteqartoqarneranik nalunaaruteqarnissaa akuersissutigineqassasoq
- Nunaminertanut tunngasunik oqartussaaffeqarfiup nunaannarmi init quleriit 1½-init portunerusumik sanaartortoqarnissaanik immikkut akuersissuteqartoqarneranik nalunaaruteqarnissaa akuersissutigineqassasoq
- Nunaminertanut tunngasunik oqartussaaffeqarfiup atuijunnaarnermi isaterisoqarnissaanik nunaminertamik atugassiissummi piumasaqaatitaliinissaa akuersissutigineqassasoq

### Suliassamik saqqummiussineq

#### Qinnuteqaat

Nunaminertanut tunngasunik oqartussaaffeqarfik Tasiilap eqqaani nunaannarmi Sermilimmi ilisimatusarfiup pioreersup allilerneqarnissaanut qinnuteqaammik tigusaqarpoq. Titartagartaa ilanngussatut ilanngunneqarpoq

#### Pissutsit pioreersut

Illut pioreersut pingasuusut ullumikkut tamarmiullutik ilisimatusarfittut atornerqarput, pigineqarlutillu Bygningsstyrelsenimit aamma Københavns Universitetimit.

Illunik katillugu marlunnik alliliinissamik maanna qinnuteqartoqarpoq, aappaa nunaminertami 318 m<sup>2</sup>-isut annertussusilimmi marlunnillu quleriilerlugu sananeqassaaq, aappaalu nunaminertami 28 m<sup>2</sup>-isut annertussusilimmi quleriinni ataasiinnarmik sananeqassalluni. Allileriniarnermi patsisaasoq tassaavoq ilisimatusartussamik allamik aallartinniartoqarnera, tassaasoq University of Graz, Østrigimi universitetimiit.

#### Pilersaarusiornermut tunngaviusoq

Kommunimut pilersaarummut atuuttoq naapertorlugu nunaannarmi sanaartorniarnermi periarfissat ukuupput.

	Adgangsforhold	Størrelse	Højde	Bygning
Sommerhus / fritidshytte	Privat	max 40 m <sup>2</sup>	1½ etage	Kræver byggetilladelse
Turisthytte	Kan udlejes erhvervs-mæssigt	max 60 m <sup>2</sup>	1½ etage	Kræver byggetilladelse
Lejrskole / institutionshytte	Kan udlejes	2 hytter af max 60 m <sup>2</sup>	1½ etage	Kræver byggetilladelse
Overlevelses-/ Fangsthytte	Offentlig tilgængelig	Ingen bestemmelser	1 etage	Kræver byggetilladelse

Qinnuteqaatigineqartoq angissutsimigut portussutsimigullu kommunimut pilersaarummi aalajangersakkaniit annertuneruvoq.

#### Immikkut ittumik akuersissutit

Pilersaarut kommunimut pilersaarummi aalajangersakkat naapertorlugit ingerlanneqarsinnaanersoq pillugu qinnuteqartoq Nunaminertanut tunngasunik oqartussaaffeqarfimmit oqaloqatigineqarnikuuvoq, tamannali pisinnaangimmat immikkut akuersissummik qinnuteqartoqarpoq, imaattumik:

- Angissuseq
- Portussuseq

Pilersaarut qinnuteqaatigineqartoq nalinginnaasuniit skiiimami immikkoortiterneqartuniit allaaneruvoq, taamaattumillu Nunaminertanut tunngasunik oqartussaaffeqarfik pilersaarummik sukumiisumik nalilersuisariaqarsimavoq.

#### Nunaminertanut tunngasunik oqartussaaffeqarfiup naliliinera

Nunaminertanut tunngasunik oqartussaaffeqarfik immikkut akuersissuteqarnissamut isumalluarfiginnippoq, atuinissarmi nalinginnaasunut sanilliunneqarsinnaangilaq, taamaattumillu kommunimut pilersaarummi aalajangersakkani ilaanngitsoq pisariaqartinneqartorli pineqarluni.

Nunaannarmi angissutsinut portussutsinullu tunngasunik aalajangersaanermi siunertaraa inuilaap isikkuanik allannguisitsinnginnissaq. Nunaminertanut tunngasuni oqartussaaffeqarfimmiit isumaqanngillat, immikkut akuersissuteqarneq sanilliussisoqarnissaanut pissutissiissasoq aamma nunaannarmi illuaqqat allat eqqarsaatigalugit anginerusunik portunerusunillu immikkut akuersissummik qinnuteqartalertoqarnissaanut oqariartuutaanngitsoq, nunaminertanummi tunngasunik oqartussaaffeqarfiup immikkut akuersissuteqarnermini atorneqarnissaa tunngaviummat.

Taamaattorli Nunaminertanut tunngasunik Oqartussaaffeqarfiup siunertaraa, nunaminertamik atuinissamut akuersissuteqarnermi ilanngullugu nalunaarutigissallugu atuijunnaarnermi isaterlugu qimanneqarnissaanik piumasaaqatitalernissaa, taamaalilluni illutai illuaqqatut nalinginnaasutut imaluunniit lejrskolertarfittut atugassiannorlugit tunniunneqassanatik, taamaaliorloqassappammi assigiimmik pinninnissamut pissutissiisoqalersinnaammat.

#### Nunaminertanut tunngasunik oqartussaaffeqarfiup naliliinera

Illuaqqat angissusissaat pillugu innuttaasumit siunnersuummut tunngatillugu Sanarfinermut Avatangiisinullu Ataatsimiititap aalajangiineranut uiggiullugu, ilisimatusarnermi siunertanut naleqqussakkamik angissusiliisoqarnissaanik periarfissaqarnermut nunaminertanut tunngasunik oqartussaaffeqarfiup misissussavaa.



**Ingerlatsivimmit aningaasatigut sulisoqarnikkullu naliliinerit**  
Pisariaqanngilaq.

**Suliffeqarfimmut Kiffartuussivimmit aningaasatigut naliliineq**  
Pisariaqanngilaq.

**Inatsisitigut tunngavissaq allakkallu tunngaviusumik uppersaatitallit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Kommunimut pilersaarut 2032

**Ilanngussat**

1. Qinnuteqaammi atortut

## **Punkt 6: Kommunimut pilersaarummut tapiliussap 1C30-4 Tuujuk, Nuuk inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 1C30-4 Tuujuk, Nuuk

## Kommunimut pilersaarummut tapiliussap 1C30-4 Tuujuk, Nuuk inaarutaasumik akuersissutigineqarnera

Aalajangiiffisassaq

SagsID: EMN-2021-17205

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- kommunimut pilersaarummut tapiliussatut siunnersuut, 1C30-4, Tuujuk, Nuuk, akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamat Kommunalbestyrelsimullu aalajangiiffisassanngorlugu ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C30-4 Tuujuk, Nuuk, matumuuna saqqummiunneqarpoq.

Kommunimut pilersaarummut tapiliussaq 1C30-4 Tuujuk sapaatip akunnerini arfineq pingasuni piffissami 14022022 – 1104 2022-mi tamanut tusarnutigineqarpoq. Piffissami pineqartumi tusarniummut akissutit sisamat tiguneqarput, taakkunannga marluk oqaaseqaatitaqarlutik. Taannalu tunngaviummik allannguinermik kinguneqartitsivoq, taamaalilluni sanaartorfissaq 8A affaannanngortinneqarluni.

Pilersaaruserfigineqartoq 7,2 ha.-it missiliorlugit annertussuseqarpoq Nuup qiterpasittortaani inissisimalluni Tuujuullu annersaa tassaniippoq, immikkoortumi Aqqusinersuup aamma Kongevejip akornanni. Immikkoortoq ullumikkut annerusumik inissianut siunertanut atorneqarpoq, taakkulu ullumikkut pisoqalisunik inissiaartarput kiisalu Ceresvej kujammut sinerlugu inissianik nutaanik. Kujammut kimmud teqeqqvani Hans Egedep oqaluffiata ataani illoqarfimmi iliveqarfik ippoq. Immikkoortumi Kirkevejip kitaani Brugseneeraq ippoq.

Immikkoortup ilaa ataatsimoorussanut siunertaqartunut qitiusumik immikkoortussamat atugassanngortinneqarpoq, aamma immikkuualuttut A aamma B isateriffigineqarsinnaalerpoq inissiaareersut pisoqqat isaterneqarnissaannut immikkoortullu inissianik eqimasunik pukkitsunik quleriiaanillu inissialiorfigineqarnissaanut.

Pilersaarummut tapiliussassatut siunnersuummi matumani sanaartorfissat qulit pineqarput.

Sanaartorfissat A1-A9 pisortat inissialiornerannut atorneqassaaq.

Sanaartorfissaq A1-A9 Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannanngitsumilluunniit 100 procentimik pigineqartunut ineriartortitsinermut peqatigiiffiusunik atorneqarsinnaavoq siunertanut pisortatigoortumik atugassatut.

Sanaartorfissaq A10 pisiniarfiup pioreersup allilerneqarnissaanut atorneqassaaq. Illumi allermi pisiniarfeqarlunilu inuussutissarsiuqartoqarsinnaavoq, quleriinnilu qulaaniittuni inissiaqarsinnaavoq.

Immikkoortumi nutaamik sanaartornermi quleriit 2-4 angullugit portutigisumik illuliortoqarsinnaavoq.

Iliveqarfik sanaartorfigineqassanngilaq.

Sanaartukkat nutaat blokkitut takisuutut/illugiissutut imaluunniit sanileriaaataat uigulukuttutut aamma sivingasunik qalialittut sananeqassapput. Takisuujuneri isikkuisigut allannguallatsilaarniarlugit illut silataasigut aninganeqartinneqassapput, aninganertaasa atortui allaanerutinneqassapput imaluunniit ammukaartunik igalaaqartinneqassapput.

Periarfissaassaaq inissialiat assigiinngiiaartut aamma angissutsimikkut, immikkoortumi inissiat assigiinngiiaarnissaat aamma inunnut assigiinngitsunik ukiulinnut pilerinartuunissaanik kiisalu innuttaasut assigiinngiiaartumik katitigaanissaannik qulakkeerinnittumik.

Inissianut nutaanut atatillugu silamiiffissat pitsaasuunissat qulakkeerneqassaaq. Sanaartukkat nutaat eqimattangorlugit silataanni ataatsimut uninngaarfigisinnaasaannik peqartinneqassapput, najugaqatigiinnermut peqataanissamut tikilluaqqusisunik aamma najugaqatigiit akornanni attaveqatigiilersitsisunik. Inissiaqarfiit kaajaluisai uninngaarfeqartinneqassapput, anorimut asseqqasunik aamma seqinermut sammitinneqartunik, naasoqarlunilu pinnguarfeqarlunilu sammisassaqarfigineqarsinnaasumik, kiisalu sikkilinut inissiiffissaqartunik.

Immikkoortoq napillugu, Tuujuup aqputaa kussinerlu atuarlugit, pilersaarutaavoq tamanna qaffanneqassasoq sukisaarsarfiusinnaasullu pioreersup annertusitinneqarnissaa, immikkoortumut tamarmut qorsuttaqarfingortinneqartumik. Kussineq sukisaarsarfiup ilaatut iluarsineqassaaq tamassuma nammineq pissusaa aamma sanarfineqarneratigut aamma ingerlaarfiit qulineqassapput ujaralersorneqarlutillu ingerlaarfissanik, illoqarfiullu ilaa eqqaaniittoq assigiinngisitaartunik naasoqartinneqassaaq.

Immikkuualuttup ilaani A-mi biilnut uninngasarfissat inissianut nutaanut atasumik pilersinneqartassapput, sumiiffinni silataanni ataatsimoorfigineqarsinnaasut avataanni, imaluunniit illumut atatillugit. Kommunitum pilersaarummi biilnut inissiiviit pillugit najoqqutassat atuuttut naapertorlugit immikkoortumi biilnut uninngatitsivinnik pilersitsisoqassaaq. Inissiaqarfinnut aqput aqqusineeqqatigut aqquserngillu sinerlugit pissaaq, kiisalu qorsuttaqarfimmum atatillugu sukisaarsarfiusumit.

Kommunitum pilersaarummut tapiliussassatut siunnersuutip 1C30-4-p akuerineqarneratigut immikkoortumut kommunitum pilersaarummut massakkut tapiliutaasumi 1C30-2, 1C30-3 aamma 1C34-1 kiisalu 1C5-1 atorunnaarsinneqarput.

### **Ingerlatsivimmit aningaasatigut sulisoqarnikkullu naliliinerit**

Kommunitum pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmum Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviummik uppersaartallit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitum pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitum pilersaarummut tapiliussaq 1C30-4 Tuujuk, Nuuk

## **Punkt 7: Lukket**

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15:50.